


# Macht die Schotten dich



#hüze  
huezeguuger.ch

# HÜZE KREUZWORT RÄTSEL

lies die Hinweise und trage das richtige Wort ein / Ü, Ö und Ä ist erlaubt



1. wer gibt in der Guggenmusik den Takt an?
2. die schönste Ausrede für alles, was man sonst nicht darf?
3. Schutzschicht gegen Kälte, Schnee, Regen und Konfetti?
4. aus welchen zwei Worten setzt sich der Name Hüze zusammen?
5. die Waffe der ersten Reihe?
6. welches Getränk trinken die Schotten am liebsten?
7. welche Farbe hat der Rock der Hüze-Frauen?
8. was sagen die Lozärner? e ..... Fasnacht!
9. als was gehen wir dieses Jahr an die Fasnacht?



## Macht die Schotten dicht

Kaum hat das neue Jahr begonnen und schon stehen wir wieder mitten im schönsten Chaos des Jahres, die Fasnacht 2026. Unser diesjähriges Motto lautet «Macht die Schotten dicht» und glaubt mir, wenn die Hüzeguuger loslegen, dann fliegen die Röcke, klirren die Gläser und die gute Laune kennt keine Pause. Mit viel Vorfreude und jeder Menge Motivation haben wir in den letzten Wochen intensiv geprobt, geschraubt und geplant, damit wir zusammen eine unvergessliche Fasnacht erleben können.

Los geht es am Schmudo, mit unserer traditionellen Tagwach um 05.00 Uhr. Wer da noch schläft, ist selbst schuld und weil Musik machen bekanntlich hungrig macht, gibt es danach für alle eine ordentliche Portion Röstli, so wie es sich gehört. Das ist für uns nicht nur Tradition, sondern auch die beste Grundlage für die kommenden Tage voller Konfetti, Musik und Feierlaune.

Am Fasnachtssonntag gestalten wir zusammen mit unseren Kollegen von den Fröschlochruuggern den Gottesdienst. Eine Tradition, die uns besonders am Herzen liegt und jedes Jahr aufs Neue ein Highlight ist. Nach dem Gottesdienst ist die ganze Gemeinde herzlich zum Apéro eingeladen.

Der Montag gehört wie immer ganz den kleinen Fasnächtlern. Beim Kinderumzug und an der Kinderfasnacht sind die Nachwuchs-Narren an der Reihe und wir freuen uns auf viele bunte Kostüme, strahlende Gesichter und natürlich jede Menge Konfetti. Für uns ist es immer etwas Besonderes, den Kindern diesen Tag zusammen mit

dem Frauengemeinschaft zu ermöglichen und gemeinsam mit ihnen zu feiern.

Zum grossen Finale laden wir alle ein, mit uns am Böögverbrennen beim Schulhaus die Fasnacht ausklingen zu lassen. Unser Böög ist das Ergebnis von stundenlanger Arbeit, Schweiss, Kreativität und vermutlich auch ein paar verbotenen Worten, wenn mal wieder etwas nicht so wollte, wie wir. Kommt vorbei und erlebt mit uns, wie unser Meisterwerk in Flammen aufgeht und wir die Fasnacht würdig verabschieden.

Ein Riesiges Dankeschön an alle Hüzeguuger, Helfer, Sponsoren und Freunde, die diese Fasnacht möglich machen. Ohne euch wäre all das nicht denkbar. Lasst uns gemeinsam die Schotten dicht machen und eine Fasnacht feiern, die uns allen noch lange in Erinnerung bleiben wird. Laut, bunt und voller Freude!

Und wer neugierig geworden ist: Auf der nächsten Seite findet ihr unseren Ständliplan sowie das Fasnachtsprogramm, damit ihr auch keinen unserer Auftritte verpasst.

Julia Schwegler  
Präsidentin Hüze-Guuger Zell



# valiant

 **Ziswiler**  
GETRÄNKE ETTISWIL  
ziswilergetraenke.ch

  
**HÄFLIGER**  
Zell / Fischbach Bau AG

Häfliger Bau AG | Bernstrasse 18 | CH-6144 Zell LU


**Restaurant**  
**FISCH**  


6145 Fischbach info@fischfischbach.ch  
079 636 32 81 www.fischfischbach.ch

**KUHLI FASNACHT WÜNSCHT**  
  
**Trocknungsanlage Zell**  
Meinrad Ruckstuhl • 6144 Zell

  
SCHREINEREI-BIRRER.CH  
 **BIRRER** SCHREINEREI AG  
HOLZBAU  
PLANUNG | UMBAU | NEUBAU  
RENOVATION | INNENAUSBAU

**Malerhandwerk**  
Renovationen  
Schriftenmalerei  
Restaurierungen  
Julia Ambühl  
malerhandwerkohmstal.ch

Maschinenbetrieb Meier Philipp  
Menzbergstrasse 48  
  
6130 Willisau  
Natel 079 439 75 08 E-Mail: meier24@bluemail.ch

## Ständliplan 2026

### Schmudo, 12. 02. 2026

- 05.00 Uhr Tagwach mit Röstiplausch bei der Martinshalle
- 09.30 Uhr TopShop und Raiffeisenbank, Zell
- 10.45 Uhr Dorfgarage Wagner und Wein44, Zell
- 11.30 Uhr Restaurant Sonne und Valiantbank, Zell
- 14.00 Uhr Start Umzug 6 Gögs, Altbüron  
Gögsball, Altbüron

### Freitag, 13. 02. 2026

- 10.30 Uhr Bäckerei Stadelmann, Zell
- 13.30 Uhr Märtgass Zentrum, Zell
- 15.00 Uhr Bachhalde Ständli
- 17.00 Uhr Restaurant Fisch, Fischbach  
Fürobierparty, Fischbach

### Samstag, 14. 02. 2026

- 10.00 Uhr Bäckerei Birrer, Zell
- 11.00 Uhr Timeout, Zell
- 14.00 Uhr Start Umzug, Schachen  
Güggaliball, Daiwil

### Sonntag, 15. 02. 2026

- 10.00 Uhr Fasnachtsgottesdienst mit anschliessendem Apéro
- 14.00 Uhr Start Umzug, Grosswangen  
Umzugsfest, Grosswangen

### Montag, 16. 02. 2026

- 10.00 Uhr Alters - und Pflegeheim Violino, Zell
- 11.00 Uhr Bodebärg - Ständli
- 14.00 Uhr Kinderfasnacht, Zell  
Schränzerball, Pfaffnau

### Dienstag, 17. 02. 2026

- 11.30 Uhr Familie Heiniger und HB Systeme, Hüswil
- 18.00 Uhr Start Böögverbrennen, Parkplatz Martinshalle

  
Violino Zell  
Wohn- & Begegnungsort

  
www.stoeckli-metzgerei.ch

  
Galliker  
Transport &  
Logistics

Festzelt-Vermietung  
Daniel Luternauer AG  
6265 Roggliswil  
www.luda-festzelte.ch



**AUTO-RUPP**  
6145 FISCHBACH  
GARAGE & CARROSSERIE

Hauptstrasse 4  
6145 Fischbach

Tel: 041 988 14 44  
auto.rupp@bluewin.ch

BÄCKEREI  
**BIRKER**  
KONFITOREI

Bäckerei-Konditorei Birrer GmbH  
www.baeckerei-birrer.ch  
baeckerei-birrer@bluewin.ch

Hauptgeschäft Huttwil  
Marktgasse 8  
4950 Huttwil  
Tel. 062 962 10 78

Filiale Zell  
Luzernstrasse 7  
6144 Zell  
Tel. 041 988 13 35

## Kinderfasnacht 2026



Am Gütismontag, 16. Februar 2026, findet in Zell die Kinderfasnacht statt. Start mit dem Kinderumzug und den beiden Guggen von Zell ist um 14.00 Uhr beim Primarschulhaus. Mit viel Krach und Musik gehts mit einem kleinen Umzug durchs Dorf zur Martinshalle, wo dann die richtige Kinderfasnacht losgeht. **Alle Teilnehmer am Umzug sind herzlich willkommen.** Treffpunkt für alle Umzugsteilnehmer ist um 13.45 Uhr auf dem Sportplatz beim Primarschulhaus.

Auch in diesem Jahr ist in der Turnhalle St. Martin für viel Spannung gesorgt: Sei es mit den Ständli der Guggenmusigen oder bei den vielen, tollen Spielen und dem anschliessenden Chäsänzli-Wettbewerb, bei dem das schrägste und schuuderigste Gesicht zum Chäsänzli des Jahres 2026 erkoren wird! Also, liebe Kinder – übt nun fleissig, damit ihr so richtig fit seid am Gütismontag!

Der absolute Höhepunkt wird natürlich die Konfettischlacht sein, denn da geht noch

mal so richtig die Post ab!!! Alle Kinder, die an der Kinderfasnacht mitmachen, werden mit einem Gratis-Imbiss verwöhnt und natürlich wird die Frauengemeinschaft auch in diesem Jahr alle mit Getränken und feinen, hausgemachten Kuchen verwöhnen... Es werden die drei lustigsten, schrägsten, fantasievollsten Göiggeln prämiert und mit einem kleinen Präsent belohnt!

Die Organisatoren freuen sich riesig auf ganz viele kleine und grosse buntverkleidete Göiggel, um mit euch gemeinsam einen super tollen Nachmittag zu verbringen.

**Achtung! Achtung!** Am Gütismontag findet das traditionelle **Gratis-Kinderschminken** im Eingang der Martinshalle (Foyer) statt. Ab 9.30 Uhr bis 13.00 Uhr wird das Schminkteam von der JUBLA parat sein und euch in fantasievolle Fasnachtsgöiggeln verwandeln.

**PIZZA KEBAP HAUS ZELL**  
St. Urbanstr. 15 - 6144 Zell  
**041 988 22 33**



**TuningFactory GmbH** \*\*\*\*\*  
GARAGE  
Wir bauen ganze Autos, wir können aber auch:  
\* Autos reparieren \* Service durchführen \* MFK-bereitstellen \*  
zu finden sind wir in Zell an der Bernstrasse 16 \* tuningfactorygmbh.ch



# SOMMER Fäscht ZELL

**FREITAG, 21. 08. 26**

**AB 17.00 UHR**

FÜROBEBIER – BIERINSEL – WAUDFÄSCHT ZUM SELBER BRÄTELN

**SAMSTAG, 22. 08. 26**

**AB 16.00 UHR**

**NEU MIT SUPER ZÄU - KAMPF  
FÜR GROSS UND KLEIN**



OBERSTUFENZENTRUM  
ZELL



MELDE DICH HIER AN

[WWW.HUEZEGUUGER.CH](http://WWW.HUEZEGUUGER.CH)

## Unsere Neumitglieder

*Céline Odermatt*

**Mine Dudusack vom Läbe:**

2. Trompete

**Mis Getränk, wo mi wärmt:**

Grüne mit Citro

**Mine Spruch för aui Abentüür:**

Dumm, dümmer, Célin?

**Die Superchraft hätti gärn:**

Teleportation

**Drü Wörter wo mich beschribe:**

Ordentlich, humorvoll, ruhig

**Was ich sösch no wott säge:**

Ech bi d Céline 2



*Dominik Alt*

**Mine Dudusack vom Läbe:**

1. Trompete

**Mis Getränk, wo mi wärmt:**

Häxe Tee

**Mine Spruch för aui Abentüür:**

Gömmër gschnöu eis go nä?

ABER nor eis

**Die Superchraft hätti gärn:**

Wasser zu Bier mache

**Drü Wörter wo mich beschribe:**

Gschaffig, Höüfsbereit, uf s best reduziert

**Was ich sösch no wott säge:**

Nämmer e Schnopf?



## Janine Frei

**Mine Dudusack vom Läbe:**

Posaune

**Mis Getränk, wo mi wärmt:**

Zomne guete Kafi sägi nid nei

**Mine Spruch för aui Abentüür:**

Eifach mal mache – chonnt eh wies chonnt

**Die Superchraft hätti gärn:**

Flüge

**Drü Wörter wo mich beschribe:**

Teilwiis lieb, oftmais ruhig und mängisch ganz guet organisiert

**Was ich sösch no wott säge:**

Wönsche allne e rüüdigi Fasnacht 2026!



## Michael Peter

**Mine Dudusack vom Läbe:**

Pauke

**Mis Getränk, wo mi wärmt:**

Kauts Bier

**Mine Spruch för aui Abentüür:**

YOLO

**Die Superchraft hätti gärn:**

Taktgefühl

**Drü Wörter wo mich beschribe:**

Rede wines Buech

**Was ich sösch no wott säge:**

Peter esch mine Nochnome



## Leon Eschmann

**Mine Dudusack vom Läbe:**

Pauke

**Mis Getränk, wo mi wärmt:**

Smirnoff

**Mine Spruch för aui Abentüür:**

No Risk no Fun

**Die Superchraft hätti gärn:**

Kraft ohne Ende

**Drü Wörter wo mich beschribe:**

Gemütlich, ruhig, lebensfreudig

**Was ich sösch no wott säge:**

Woschs guet ha? De chom zu de Hüze

# RAIFFEISEN

# ROOS

Holzbau AG

6018 Buttisholz [www.roos-holzbau.ch](http://www.roos-holzbau.ch)

# JÖRI PLATTEN AG

*Jöri - unverwechselbar persönlich!*

Filiale Zell | Dubach Martin  
078 772 54 69 | [joeriplatten.ch](http://joeriplatten.ch)

# BRUNNER

Garten- und Landschaftsbau AG

6145 Fischbach  
Tel. 078 642 01 63  
[mbrunner-gartenbau.ch](http://mbrunner-gartenbau.ch)

Schwimnteiche • Mauern • Wege-Plätze • Gartenpflege • Umgestaltungen

# DRUCKEREI SCHÖTZ



Offset- und Digitaldruck  
Hostrisweg 5, 6247 Schötz

Tel. 041 980 10 55  
[druckerei-schoetz.ch](http://druckerei-schoetz.ch)

...erüüdig schön! Fasnacht!

# leuenberger

dienstleistungen ag

Kaltfräsen

# Leuenberger AG

Kies und Deponie

Industriestrasse Briseck 1, 6144 Zell



3AELEKTRO

## WIR WÜNSCHEN ALLEN EINE RÜDIGI FASNACHT

STANDORT ZELL Luzernstrasse 35 | 041 988 11 33  
STANDORT PFAFFNAU Dorfstrasse 3 | 062 754 10 30  
STANDORT SCHÖTZ Luzernerstrasse 59 | 041 980 13 32  
www.3a-elektro.ch | info@3a-elektro.ch



## De Hüze rätscht

Wie's öppe so goht wenn's prässiert,  
meischtens de öppis Domms passiert.  
De Gisi Joel zor Arbet of Autbüre wott,  
es esch äbe scho Zit, auso zemli spot.  
Är leit de Ferma-Laptop of's Outodach,  
i sinere Arbeitswäut e wechtegi Sach.  
De Joel noschet no öppis ond stigt de i,  
Arbeitsbegenn, Houzbou Schär esch gli.  
Of em Wäg chonnt ehm de plötzli i Senn,  
oh, de Laptop esch jo ned im Outo drenn.  
De da Silva fahrt sofort zrogg Rechtig Zäu,  
d'Ouge offe ond secher ned allzoschnäu.  
Aber niene lit öppis ähnlechs of de Stross,  
es macht ehm afig richtig fescht Verdross.  
Scho am verzwifle ond chli am Flueche,  
es Telefon, de Chef muesch nöme sueche.  
Bim Bösigar Coiför esch es zum Abhole zwäg,  
es Frölein het dis Grät gfonde of em Wäg.  
Ganz ohni Schade, so vöu Glöck muesch ha,  
de Joel dänkt etz emmer bim Abfahre dra!

de cha mer sech  
weder met  
Nöiem bröschte.  
Es nöis Abo het är  
bereits kouft ond instaliert,  
das sett fonktioniere lut de Swisscom garantiert.  
För de Räschte nemmt de Birrer Hans sech Zit,  
e ganze Fritig, wöu ehm das scho am Härze lit.  
Nochli Böuder ond di legschte Finheite mache,  
das brucht scho Närve, die technische Sache.  
Aber do goht etz eifach nüd, ned ie ond ned use,  
e ganze Tag versuumet, hässig goht är go pfluuse.  
Go usrüefe wott mer früeh am Samschtigmorge,  
nei, die Arme im Swisscomshop hend scho Sorge.  
Me frogt nochem Handy, das het de Hans debi,  
dä Angstöuti luegt dä Übeltäter a, das cha ned si!  
Grensend erklärt är de, dä Fähler i sim Chond,  
de Flogmodus esch denne, das esch de Grond.  
De chasch mache was du wotsch liebe Maa,  
ou es Natel muess mou e längerer Pouse ha!

Sommer 25, Zäu droht i de Boustelle z'versenke,  
i aune, bsonders im Roth Cony tuet das stenke.  
Si tuet ehrem Ärger zwöschetie chli Loft mache,  
ändere chasch eifach glich nüd bi settige Sache.  
Eines schönen Tages muess si e Bsorgig mache,  
z'Buttisholz e Boustöu, s'esch ned zum lache.  
Rot was ou sösch, z'vorderscht  
muess mer warte,  
s'Natel zor Hand, chorz e Watsapp Check starte.  
So passiert's haut, plötzli fahrt mer a ehre verbi,  
ond es rechtigs Huupkonzärt muess de ou no si.  
Onder Schock s'Cony am Stüür emmer no stoht,  
aus s'drette Outo, de Rottaler bi ehre verbi goht.  
S'ech so scho veli über Boustelle närve tönd,  
wenn si statt fahre met em Natel spele mönd!

Dorfturnier vom FC emmer es Superfäscht,  
jo mäenge goht spot oder gar ned is Näscht.  
De get's die, wie de Jan, si blibe im Clubhus,  
möche dete e gsonde töife Garderobepfuus!  
Wo de Rölli de verwachtet, esch är ganz ellei,  
stigt zum Garderobefenschter us, är wott hei.  
Wo n'är de äntli met Müeh ond Not esch doss,  
gspört de Jan sone Drock, är no ofs WC moss.  
Auso stigt mer haut weder dör das Fenschter i,  
s goht ned anderscht, Ornig muess doch si!  
E Tip, s'nöchscht Mou losch alles lo verwache,  
öb du Fenschter-Chlätterüebige tuesch mache!

Eiachser-Renne im Lutheretau es Riesefäscht,  
ou de Jerre ond de Stifi wei de ned is Näscht.  
Z'beobachte esch am Samschtig morge früeh,  
im Osserdorf vom Buur, wo muess zo de Chüeh.  
Ou d'Sandra, Nochberi met Höndli het's gseh,  
dä Ableck vergessisch so schnöu nöme meh.



FORSTUNTERNEHMUNG  
SCHALLER AG

## IHR PARTNER IM WALD

Holzernte  
Gartenholzerei  
Jungwaldpflege  
Brennholz  
Strassenunterhalt  
Beratung im Wald





Wir  
wünschen eine  
rühmlich schöne  
Fasnacht  
2026!

# Mit gutem Gefühl bauen und leben.

[dubachholzbau.ch](http://dubachholzbau.ch)

**DUBACH**  
HOLZBAU AG



[www.landmetzger-ag.ch](http://www.landmetzger-ag.ch)

[info@landmetzger-ag.ch](mailto:info@landmetzger-ag.ch)

**079 269 94 90**

**Keist Chregu**

Es Outo stoht of em Trottoir, vorem Block osse,  
beidi Töre offe, Bei send scho fascht verosse.  
Bim Usstige vom Schlof überrascht, das Böud,  
esch ouäg i de Hofstatt gange scho chli wüod!  
S'Rockstuehls Stifi ond de Voney Jeremias,  
zwe schnarchendi Fäschtbrüeder send das!

De Mahlzitedienscht e ganz e tolli Sach esch,  
wenn du öuter ond nöm so guet zwäg besch.  
Pensionäre, s'Violino ond d'Spitem besorgt sei,  
dass es feins Menü jede Tag gleferet werd hei.  
Ou s'Annelis Zurkirchen esch sone gueti Fee,  
fahrt met ehrem Outo bi Rägewätter ond Schnee!  
Of jedere Fahrt ehre tröi Begleiter emmer debi,  
de Chicco ehres allerliebschte hänzige Hondli.  
Si cha i ond uslade, är blibt bi offner Töre im Outo,  
nor a n'es paar Ort weiss är, do cha ni go bisle go.  
Im Violino tuet si einisch Behäuter ustusche,  
Töre zue, abfahre, Rechtig Grossdiets rusche.  
Z'Feschbach obe merkt si, dass öpper fähle tuet,  
dä wartet im Violino oder deheime, das esch guet.  
Vo Grossdiets zrogg, d'Ouge emmer of em Wäg,  
stoht vorem Violino ond Deheime kei Chicco zwäg.  
Mer frogt allne Ort, niemer het das Höndli gseh,  
si het Chommer, hoffentli tuet är sech ned weh.  
E haub Stond spöter, es Telifon vo de Polizei,  
si ehre chli Frönd z'Gättnou onde gfonde hei.  
Är het e Bsuech zo de Fröndin Rita Bieri gstartet,  
ond dete vor de Töre of em Teppesch wartet.  
Dräckig, todmüed cha si de Chicco weder ha,  
e Bleck zrogg, vorem Abfahre, Annelis dank dra.

De Thomas ond d'Alina dörfe zäme fortgoh,  
si hend e lladig zomene feine Ässe öbercho.  
Aus Gschänk bietet mer a, s'Dessert z'brenge,  
si möche es Tiramisu, das tuet secher glenge.  
Es prässiert de chli fescht bim go ond uflade,  
de get's äbe de gärn öppe e chlinere Schade.  
Die Glasschale met Tiramisu of em Outodach,  
werd vorem Rotliecht i de Teeri hende schwach.  
Bim Afahre chonnt si is rötsche ganz schnöu,  
keit of d'Stross met's dri i die blödi Boustöu!  
Häfliger ond Koufme merke das öppis passiert,  
chehre so schnöu om wie's goht, es prässiert.

Verströit legge d'Scherbi of de Stross zom ufläse,  
jo vo Hand, mer het i dere Situation jo kei Bäse.  
Ned, dass es etz no vöu spöter werd zom Ässe,  
nei ou s'Dessert zom Menü chasch etz vergässe.  
S nöchsch mou auso lieber es betzli z'spot,  
es Ässe so ohni Dessert haut gar ned goht!

Bi's Knöibühler's esch's so wit,  
d'Abwäschmaschine plötzli ablit.  
Schnöu werd gleferet es nöis Modäu,  
metts is Grüenebodequartier of Zäu!  
D'Andrea esch jo glöcklech ond froh,  
es erlichteret haut die Husarbeit scho.  
Chorz drofabe darf si es Wocheänd fort,  
met Fröndinne gohts zom Wandersport.  
Gforderet esch natürlig de Papi Sandro,  
keis Problem för ehni, das cha mer scho.  
Alles klappet beschtens bis a ei Sach,  
kocht het mer, das esch gseh no eifach.  
Aber bim Tesche stöuts de ganz plötzli a,  
wo cha mini Frou s'Bsteck versorget ha?  
Mer suecht auso fascht im ganze Huus,  
de Sandro chonnt eifach nöme drus.  
Ou d'Meitschi chönd ehm kei Uskonft gä,  
legschi Möglicheit, är muess s'Natel nä.  
Frou wo hesch du s Bsteck versorget wo?  
d'Antwort chonnt aber de sofort ond subito.  
I de Abwäschmaschine alles fende tuesch,  
du einisch das nöie Grät useruume muesch.  
Das z'Oberscht e Bsteckschubblade denne het,  
e Maa jo ned i de Frou of em Usflog alüte wett.

Am Palmsonntig noch de Chele get's e Aperö,  
e schöni Geste vom Pfarreireot, alli send froh!  
Chorz vorhär faut's de Pfarreireotspräsidentin i,  
die nöie Wygläser möi etz aber no gwäsche si.  
För dä Bletzuftrag wott gar niemer de Zit ha,  
auso frogt mer di gueti Petra vom Sekretariat a.  
Pflechtbewusst tuet si d'Abwäschmaschine starte,  
s Wocheänd muess haut etz leider nochli warte.  
Am Sonntag de noch de Chele chonnt es erwache,  
do muess ou Präsidentin Claudia Ruckstuhhl lache.  
Bi dem Aperö get's jo nie Alkohol, s'esch Faschtezit,  
de alle nome Tee, Kafi oder Süessmoscht drenne lit.


  
**Küchen**  
 Beck+Unternährer AG



**Küchen + Umbau**  
 Luzernstrasse 8  
 6144 Zell  
 079 343 09 40  
 info@buag-kuechen.ch  
 www.buag-kuechen.ch


  
[www.vogel-tbm.ch](http://www.vogel-tbm.ch)  
[info@vogel-tbm.ch](mailto:info@vogel-tbm.ch)  
 ☎ 041 988 25 23

**Vogel Trockenbaumontage GmbH**  
 Wand- und Deckensysteme  
 Kundengipserei  
 Fersihus 1 • 6152 Hüswil


  
**time out**  
 café bar lounge  
 zell - sieben tage offen  
[www.timeout-zell.ch](http://www.timeout-zell.ch)

*Mer wünsche allne  
e rüüdigi Fasnacht!*



**4K ARCHITEKTUR**  
St. Urbanstrasse 4 | 6144 Zell | Telefon 041 988 20 41 | Fax 041 988 20 61 | info@4ka.ch | www.4ka.ch

**Felberballen**  
 Mais und Gras

**Felber Ballen GmbH**    6247 Schötz    078 752 54 96


  
**MÜLLER  
KNEUBÜHLER AG**  
 Willisau und Zell • T 041 971 06 06

-  Steilbedachungen
-  Flachbedachungen
-  Fassadenbau

**MAKIES**

Gärten  
**BÜHLER**  
 Altbüron / Hüswil



Dä Expressdienschd hät ned so plötzli müesse starte, die Gläser hätte ou ongwäsche nochli chönne warte.

S'Kammermaa Beni het e Outoradio, om dä esch äs emmer mega froh. Si fahrt alle is Oberland ganz ellei, z'Därstette esch Tochter Julia dehei. Mer wott jo die Familie ou öppe gseh, söscht könne eim d'Änku de nöme me. Etz werd de Radio of DAB omgstöt, scho länger hei si vo dem jo verzöt. Es Ruschet, chroset im Outo nome no, keis Tönli Musig chonnt us dem Radio. Die längi Fahrt ohni Onderhautig e Gruus, am Ziel werd g'jommeret, aus si stigt us. Jo Mami de tue doch du e schöni CD ie, was e CD, so öppis goht jo do gar nie. Mer tuet fende sogar das CD-Fach, het no e Queen-CD denne, s'wär eifach. Jo set 10 Jahr fahrt s'Beni das Outo, vo dem Grät het äs bes höt nüd vernoh!

S'Eis vom FC Zäu tuet im Lager trainiere, schliessli wett mer jo d'Gägner dominiere. Bim z'Morge esst de Limacher Lars e Banane, öppis gsond's, s'Omfäud tuet emmer mahne. De Flavio visàvis tuet Affegrüsch nochemache, oh jeh vo det ewäg hend di zwe nümi z Lache. Die spanische Akademiker am Näbetesch gaffe, fühle s'ech beleidiget, mer set meine si wäre Affe. Das segi respäktlos, diskriminierend, allerhand, es get i dem Spissau e ganz e ghörige Ufstand. Si verlange, dass de Lars das Hotel tuet verloh, söscht mer i de Polizei alüetet, die sofort tuet cho. De Trainer Martin Werder tuet ehne rote i z'länke, sones Theater, mer tuet es Training verschänke. De Lars ond de Übeltäter s'Hotel wächsle mönd, im Frede z'lieb si das wederwellig mache tönd. Si tönd zögle i n'es anders Hotel ohni grossi Wort,

de Wellnessbereich esch top, das merke si sofort. De Näbetesch tuet am andere Morge druf bestoh, dä Banane-Verbrächer Lars segi jo emmer no do.




Ne nei das esch de Bättig Lorin wo ehm glische tuet, die Herre mönd chli z'stechle ha, das tuet ehne guet. Fazit vo dere ganze Gschecht: Toleranz ond Humor, chöme bi Akademiker us Spanie überhaupt ned vor!

Baumaschinenmesse München, chorz Bauma, vo de Ferma Leuebärger fröit sech jede Maa. Alli drü Jahr verweist mer met emene Car, schön agleit ond gstrählet das esch jo klar. Glöcklech itroffe ond zor Usstellig gstartet, of de Beat Tanner e Öberraschig wartet. S Fүүrzüg i de Hand tuet ehm a Bode keie, guet das cha wenigstens ned verheie.

Nei, aber do schränzt doch öppis bim Böcke, jo so unkontrollierti Bewegige hei ehri Töcke. Sini chorze Hose send veresse ond kapott, bim Hoselade, sogar s'Familieglöck use wott. De Töggu gseht mer ou noch es paar Stonde, omeloufe met em Jäggli verchehrt omebonde. Erscht bim Car cha n'är anderi Hose azieh, läng ond ganz, är esch mega froh weisch wie! S'nöchscht mou tuet är of Tochter Vanessa lose, si het gmeint wotsch du so go i dene aute Hose!

Vo Zit zo Zit s'weder nötig esch, dass du es nöis Bankchärtli hesch. Poscht so eis de Julia bringe tuet, das alles esch jo scho rächt ond guet. D'Awisig vernechte vo de aute Chartre, Frou Schwägler mag fascht ned gwarde.



# CKW ZELL

041 989 05 00 • zell@ckw.ch

**CKW.**  
Axpox Group

Met de Schär werd's verhoue das Deng,  
das goht ganz schnöu ond cheibe reng.  
Es paar Täg spöter am Bankomat de,  
verlangt dä Chaschte s'nöie Chärtli he?  
Noch gnöuerem Aluege gseht's de d'Julia,  
ech domme Cheib jo do s aute Chärtli ha!  
S nöie Deheime verschnette im Gösu esch,  
auso mängisch scho chli e Stössu besch!  
Muesch di ned froge wenn d'Spese uegönd,  
wen si der zwöimou s'Chärli schecke mönd!

E schöne Sonntigmorge d'Marietta het t'ztue,  
tränke im Trebhuus, fertig esch's met de Rueh!  
De Hond bället ond öppis komisch töne tuet,  
d'Frou Rockstuehl no fertig zo de Blueme luegt.  
De goht si go luege was dä Hond so ufgregt het,  
das wo si de gseht, mer eifach grad filme set.  
De Jeremias i sim Oltimer ganz lässig hocket,  
nohdänklech eini roucht, d Hoor sei glocket.  
Si chönnt ehn beobachte ond das stondelang,  
är tuet nüd merke, het no schöne Musigklang.  
Baud äne macht si s'ech de doch bemerkbar,  
ä resch versonke, zockt zäme das esch klar.  
Esch der met öppisem z'häufe Herr Voney,  
jo di Sohn Stefan dä esch doch scho dehei.  
Do muess si aber grad e Momänt chli lache,  
nei aber ou, was machsch ou du för Sache.  
Dä wohnt jo scho set zwe Woche nöme do,  
besch jo bi de nöie Wohnig verbi gfahre scho!  
S nöchscht mou statt so lang vorem Huus warte,  
cha de Jerre jo go häufe tränke i Bluemegarte.

Güdismäntig z'Pfaffnou i de Bar,  
trenkt mer ou öppis das esch klar.  
D'Celine Loosli ond d'Jana Steime,  
fühle sech bim Barpersonal  
deheime.  
Si entscheide sech zemli gli deför,  
z'nä es Chicky Micky Ei met Eierlikör.  
Sones Plastikei töi si s'ech gönne,  
etz set mer's nor no uftue chönne.  
Si luege ab bi de andere dene Tröpf,  
ond tönd Eiertötsche de of de Köpf.  
Si chöi houe wie si wei, es tuet nüd lo,

jo hei das Ei muess doch kapott go.  
Fonktioniere wörd das Ganzi reng,  
hät mer's ned verchehrt das Deng.  
Kopfweh get's de ned vom Getränk,  
nei vom ewige of e Kopf houe dänk!

Es cha haut scho mou passiere,  
vor luter hufe Sache ond prässiere,  
esch legscht Jahr öppis ondergange,  
ond de Jan het vergäbe mösse bange.  
Drom wei mer das etz doch no verzölle,  
was legscht Jahr scho hät i Zitig sölle.  
I d'Ferie esch de Stöckli Jan of Spanie,  
so schön Wätter alles tip top wie nie.  
Är gniesst die Zit ond erhout s'ech guet,  
gli haut s Ändi vo dene Ferie cho tuet.  
D Heireis verlouft ou ganz wonderbar,  
alles in allem e super Sach ganz klar.  
Bes us Spanie de s'Telifon tuet cho,  
är heig no Chleider im Schrank glo.  
Si töige si de of Poscht ond schecke,  
het är si welle loswärde omsverেকে?  
Das cha jo ned si, dass noch de Feriezit,  
no e nöie schöni Garderobe drenne lit!

So ne Wohnigs-Sitter esch e tolli Sach,  
d'Julia Schwägler esch do vom Fach.  
Si de Schwöschter ufpasset of d'Wohnigt,  
secher ned gratis, gäge ne schöni Belohnig.  
Am legschte Tag de, de ganzi Schössubond,  
sofort i Briefchaschte bim lgang onde chond.  
Bloss gmacht muess si ehres Händy sueche,  
nei etz chonts ehre i Senn, si muess flueche.  
Dä Schössu muess weder zom Chaschte us,  
müehsam so öppis, gliner drenn aus drus.  
Gschaftt me cha i d'Wohnig, sesch so wit,  
s'Händy nämli det ruhig of em Stobetes lit.  
Die Aktion esch de sösch ned z'empfähle,  
verhafte chönnt mer di, wägem Briefe stähle!




  
 SCHÜTZENCHÖRLI FISCHBACH
   
**FÜROBEBIER**
  
*Party*
  
**13.02.26**
  
 MEHRZWECKHALLE FISCHBACH
   
**Eintritt 10.-**
  
 17.00 bis 20.00 Uhr
   
 Gratis Eintritt

<b>5.-</b> <b>Shuttlebus</b> Umgebung Fischbach	<b>diverse</b> <b>Guggen</b>	<b>Barbetrieb</b> <b>&amp;</b> <b>Kafistobe</b>
-------------------------------------------------------	---------------------------------	-------------------------------------------------------

## Interessiert an einem Inserat?

Finden auch Sie unsere Fasnachtszeitung eine gute Sache? Und wollen Sie ein Teil davon werden?

Dann sichern Sie sich bereits jetzt einen Platz für ein Inserat in der Ausgabe 2026. Über Ihre Anfrage freuen wir uns bereits jetzt.

Genauere Infos erhalten sie von Stefan Schaller über: [schaller1996@hotmail.com](mailto:schaller1996@hotmail.com)

Mit fasnächtlichen Grüssen  
Stefan Schaller




  
**AT2**
  
 Agro-Technik Zulliger AG  
 Agro-Technique Zulliger SA
   
 Bernstrasse 13c • 6152 Hüswil • [www.agrotechnikzulliger.ch](http://www.agrotechnikzulliger.ch)


  
**TWO WHEELS ZINSLI GmbH**  
 Freiheit auf zwei Rädern, Qualität, die begeistert!

- Reparatur und Service aller Marken
- Motorradreifen zu attraktiven Konditionen
- Abhol- und Bringservice
- Umbau, Tuning und Restauration
- Verkauf von Neu- und Occasion-Motos
- Miet-/Ersatzmotorräder


  
**FANTIC**  
 Fantic XMF, ab 16 J.

Lischmatt 8 • 6153 Ufhusen • 041 988 22 78 • [www.twzinsli.ch](http://www.twzinsli.ch)

# WIR FRAGEN NACH...



**Bei Daniel Schärli oder auch bekannt als Sämi...**

**Wie viele Jahre durftest du mit den Hüzeguuger um die Häuser ziehen?**

ech ha döffe tolli 21 Jahr bide Hüze debi si

**Was war dein unvergesslichster Moment bei der Hüzeguuger?**

all di geile Wallis-Weekend womer zäme hend döffe verbrenge

**Dein peinlichster Fasnachtsmoment?**

s peinlichste esch mer a minere 1. Fasnacht am Schmudo passiert, ech be do no met em Töffli onderwägs gseh ond de heds mer am Morge s Fasnachtschleid wo uf em Gepäckträger gse esch id Ketti gworschtlet ond esch am Erschte Tag scho kapott gsi.

**Dein ultimativer Geheimtipp um die Fasnacht zu überleben?**

das mer d Fasnacht guet überstoh, esch eifach e lhteiligs Sach

**Bei Dominik Hegi oder auch bekannt als Hüge...**

**Wie viele Jahre durftest du mit den Hüzeguuger um die Häuser ziehen?**

ech be 16 Jahr aktiv debi gseh

**Was war dein unvergesslichster Moment bei der Hüzeguuger?**

Do gets onzähligi Momänt, so vöu das ech gar kene cha usepicke. Di beschte Gschechte touche sowieso emmer de uf, wenn mer inere guete Rondi in alte Erennerige schwelgt. De gröschti Hühnerhuut-Momänt hani aber aube am Güdizischtig gha wenn mer es legschts mou alli Lieder gspöüt hend, zmetzt im Sonnechreisu und sech nochhär vorem Rüümli i Arm gno hed wöu d Fasnacht scho weder verbi gseh esch. Ond halt wöu mer gwösst hed das de Eint oder Ander im nöchschte Jahr vlt. nömme debi si werd. Das esch jedes mou ongloublich emotional gseh ond genau drom so schön.

**Dein peinlichster Fasnachtsmoment?**

Das esch öpis wo ech bis etz emmer för mech phaltet ha aber ech gloube etz werds Ziit das äntli z biechte. Ech ha mou fasch usversehe de Böög scho am Zischtig Nommitag abgfacklet woni en brännendi Zigarette wäggschnipst ha, d Jute hed scho ahgfange liecht z brönne, has aber de met eme härzhafte Schlock Bier grad no rächtzigtig chönne lösche. Hätt das öper metbecho wäri gloub am gliche Tag no ines wiit entfärnts Land usgwanderet, wenn das eskaliert wär.

**Dein ultimativer Geheimtipp um die Fasnacht zu überleben?**

Emmer en chline Flachmaa met Whisky debi ha! Das höüft d Schinkegipfeli z verdoue ond wärmt ennerlich wenn mer bi lis-Chöuti dosse moss usharre. Ond osserdem tötets subito alli Chäfer ab.



**Bei Timea Wyss...**

**Wie viele Jahre darfst du schon mit den Hüzeguuger um die Häuser ziehen?**

Das esch jetzt s 3 Jahr wo ech bide Hüze daf si

**Was war dein unvergesslichster Moment bei der Hüzeguuger?**

ech ha scho e Huufe döffe erläbe met de Hüzeguuger, dezue gehört ou s Fäscht z Äschlihouzmatt vode legschte Fasnacht womer no lang in Erennerig werd bliibe. Alli send on Fire gseh ond d Gsangshlag vorem Uftritt esch grandios gseh.

**Dein peinlichster Fasnachtsmoment?**

wo ech amene Ständli mini Trompete no lang donde gha ha, während mini andere Gpändli vo mim Register scho lang am spele gseh send.

**Dein ultimativer Geheimtipp um die Fasnacht zu überleben?**

nochem Fäscht e Pizza im Timeout ässe

**Bei Radi Ruckstuhl...**

**Wie viele Jahre durftest du mit den Hüzeguuger um die Häuser ziehen?**

Ech be 17 Jahr aktiv debi gseh

**Was war dein unvergesslichster Moment bei der Hüzeguuger?**


de Fasnachtsomzog z Altishofe wo eis Highlight s Andere gjagt hed. Zersch hed de Häfliger Philipp (†) nochem Uftritt de Usgang ned gfonde was de met Müeh ond Not ond chli Hüf vom Schwegler Hans glich no klappet hed. Spöter hemmer de no bimene Buur zuegha wo de Erni Werner Rüerei kochet hed. z 5te hemmer de sagehafti 2 Darli Eier möge ässe, das vergessi secher nie meh.

**Dein peinlichster Fasnachtsmoment?**

wo de Tampi z Hüsu im Ängu s Lied ahgseid hed ond ech eifach s falsche ha afo spele ond de alli andere haut hei mösse metmache.

**Dein ultimativer Geheimtipp um die Fasnacht zu überleben?**

Ässe, trenke, Ässe, trenke, Ässe, trenke usw.



**Bei Julia Schwegler...**

**Wie viele Jahre darfst du schon mit den Hüzeguuger um die Häuser ziehen?**

doch ou scho set 10 Jahr

**Was war dein unvergesslichster Moment bei der Hüzeguuger?**

do chönnti e Huufe verzelt aber ech gloube eine vo mine onvergässlichst Momänt esch gseh wo mer z Altbüere am Omzog ihgstande send ond bim Barwage nochli gfäschtet hend bevors los gange esch. De Roth Dario hed sech de filigran winer esch döredränglet, das hed ide Tschesmen ned so passet ond si hed ne chli gmöpft. Promt esch de Dario de über d Barwage Stäge iegstörchtlet ond omgheit... gloubit mer, es hend alli zäme domm gluegt wo dä Maah am Bode gläge esch.

**Dein peinlichster Fasnachtsmoment?**

Jede Fasnachtsgottesdienst wo ech öpis darf säge ond di haub Chele weder lachet wäg mim Chischteri.

**Dein ultimativer Geheimtipp um die Fasnacht zu überleben?**

warmi Socke, gueti Schueh ond haut eifach ned am Ahfang scho dri schiesse...oooond vöu Äntebüsi! ah ond schlönd enand ke Chicki-Micki Eier ah Chopf ue, das dod weh!

**Bei Daniel Heiniger...**

**Wie viele Jahre durftest du mit den Hüzeguuger um die Häuser ziehen?**

16 Jahr ha ech döffe met de Hüze om d'Hüüser zieh

**Was war dein unvergesslichster Moment bei der Hüzeguuger?**

phuu, do gäbs etliche Gschechte zom verzelle, mer chönnt es Buech dröber schriebe. Ech ha d Wallis-Weekend emmer cool gfonde oder üsi eigete Jubiläums send ou emmer tolli Erläbnis gseh. Ond natürli ou üses jöhrliche Böögverbrönne, de hetmer nomou di ganz Woche chönne döregoh. Aber äbe, chöntmer no gaaaaaanz vöu meh verzelle, aber das wörd die Zytig spränge.

**Dein peinlichster Fasnachtsmoment?**

es esch Fasnacht, do esch nüüd Pindlech, fasch alles esch erlobt.

**Dein ultimativer Geheimtipp um die Fasnacht zu überleben?**

meteme Lächle im Gsecht go schmenke, nochhär es Herrgöttli näh ond es cha der nüüd passiere.





**Bei Marc Leuenberger...**

**Wie viele Jahre darfst du schon mit den Hüzeguuger um die Häuser ziehen?**

set 8 Jahr ond glich öppe 5 Jahr verscholle gseh

**Was war dein unvergesslichster Moment bei der Hüzeguuger?**

Mine unvergässlichschit Momänt esch gseh wo si Mirj i üsem Erstali-Johr im Wallis es Plötzli - Chötzli hed lo legge ond si eifach steihert witer gloufe esch so das es ned emou gross öper gmerkt hed.

**Dein peinlichster Fasnachtsmoment?**

ech moss säge, ha jegliches Schamgfüehl verlore.

**Dein ultimativer Geheimtipp um die Fasnacht zu überleben?**

ned z nüechtern wärde aber ou ned z betronke

**Bei Adrian Roos oder auch bekannt als Baloni...**

**Wie viele Jahre durftest du mit den Hüzeguuger um die Häuser ziehen?**

Ech ha 16 Jahr döffe met de Hüze om d Hüüser zieh ond fäschte

**Was war dein unvergesslichster Moment bei der Hüzeguuger?**

Do gäbs diversi Sache z verzelle...! aber eis woni nie werde vergässe esch, wommer amene Uftritt en Stromusfall gha hend ond nüüt meh gseh hend. Mer hätte gloub ou selle useloufe wähere dem spele, was aber eher chli schwierig worde esch.

**Dein peinlichster Fasnachtsmoment?**

Ech mag mech wörlki ah ke peinliche Momänt meh erenmere. Vellecht esches aber ou besser so :)

**Dein ultimativer Geheimtipp um die Fasnacht zu überleben?**

Das wär denn definitiv s' Zmorge Bier.



**Bei Ludwig Isch auch bekannt als Lüdu...**

**Wie viele Jahre durftest du mit den Hüzeguuger um die Häuser ziehen?**

ech be 10 Jahr aktiv debi gseh

**Was war dein unvergesslichster Moment bei der Hüzeguuger?**

do gets so vöu, jedi Prob ond jede Uftritt send onvergässlich gseh. Aber generell hend mer emmer en ganz bsonderi Atmosphäre ond Zämehaut gspört während de Fasnacht. Ganz ihdröcklich ond onvergässlich send ou all die Jubiläums gseh ah dene ech ha döffe metwerke. Mössti mi aber festlegge, wördi säge: Twann, Wolfeschiesse ond Äschlihouzmatt. Punkt.

**Dein peinlichster Fasnachtsmoment?**

Das esch leider de Schmudo i mim Erstali Jahr gseh, ech be met Gripp im Bett gläge. Ha do s Wallis-Weekend leider nor bedengt überläbt ond ech schäm mech bis hüt es betzeli wäge dem. Sösch hani aber mech ond mine Körper emmer im Greff ghal

**Dein ultimativer Geheimtipp um die Fasnacht zu überleben?**

Das esch ganz Eifach: do NIE de Car-Chauffeur ploge ond emmer pünktlich si



**Bei Sibylle Mattli-Stutz...**

**Wie viele Jahre durftest du mit den Hüzeguuger um die Häuser ziehen?**

14 Jahr

**Was war dein unvergesslichster Moment bei der Hüzeguuger?**

Woni einisch amene Präsi-Tampi Apéro ha mösse üsi Lüüt wäg schecke. Mer hend üs amne Apéro met anderne Tampi's ond Präsi's onderhalte. Plötzli seid eine vo dene "Du, üchi Lüüt send ou do ond bediene sech am Apéro " ech dräie mech om ond säge zone " Abfahre, das esch s Präsi-Tampi Apéro, do hend ehr nüd z sueche" ohni öpis z säge sesi gange. Womer nochem Apéro de retour cho send, hei sech alli fasch nömmen chönne haute vor lache. Sie se das ide Andere go verzelle ond die heis fasch ned chönne gloube. d Reaktion vo desne Tampi's ond Präsi's esch ou prompt cho " aso du hesch dini Lüüt im Greff ond die fouge sogar no" heisi gseid ond jo, s "Abfahre" esch mer bis hüt blobe.

**Dein peinlichster Fasnachtsmoment?**

Womer inere falsche Guggemusik s Jubiläumsgschänk überreicht hend

**Dein ultimativer Geheimtipp um die Fasnacht zu überleben?**

Nie is Bett ond wenn doch, de vorhär secher mendestens 3 dl reins Wasser trenke

**Bei Hans Schwegler...**

**Wie viele Jahre durftest du mit den Hüzeguuger um die Häuser ziehen?**

17 onvergässlich Jahr

**Was war dein unvergesslichster Moment bei der Hüzeguuger?**


do gets e Huufe z B s Ufstelle vom Hüzewood i de Bründlenegg, de Uftritt z Bärn bi de lhkleidig vode Skinati met em Chäs-Chleid, üse TV Uftritt ah de Tanneschleipfete z Luthere bi richtigem Scheisswätter ond natürlki jedes Wallis Weekend womer bim Susi ond en Remo (+) hend döffe verbrenge.

**Dein peinlichster Fasnachtsmoment?**

chond mer ehrlich gseid gloub nüd i Senn

**Dein ultimativer Geheimtipp um die Fasnacht zu überleben?**

ned z vöu aber ou ned z wenig Alkohol



**Bei Stefan Ruckstuhl...**

**Wie viele Jahre darfst du schon mit den Hüzeguuger um die Häuser ziehen?**

set 8 Jahr

**Was war dein unvergesslichster Moment bei der Hüzeguuger?**

uh do gets so vöu... s esch anmöglich sech do festlege aber eine devo esch secher wo de Därü ond ech im Wallisweekend hei welle före Omzog z Leuk go instoh. Wöu mer no so gäbig dezeit gha hend ond de Omzog no lang ned ahfange hed, semmer afe ad Bar es Bierli go nä. Ungefähr 10 oder 12 Blonde spöter loufe d Hüze scho hender üs döre ond was gseht de Tampi? de Därü ond ech ah de Bar am Bier trenke ond diskutiere ond näbezue 2 frömdi Froue wo zu isne Sousi's lueget. de Bruno esch üs de cho froge öb mer äch ou no wei metmache, de Omzog esch de rächt gäch gseh.

**Dein peinlichster Fasnachtsmoment?**

z Nebike i mim 2 Jahr sei mer ahgstande före Uftritt, de Tampi hed de d Sousi's föregrieüft ond ech ha gemeint mer möi ieh go, De beni iegstörmt ond woni z Oberst uf de Böhni gstande be ond mi kehrt ha beni eifach elei gseh. De hani 5 Minute elei det obe wartet bes die andere cho send, d Lüüt hei mi afe rächt blöd ahgluegt. De wäred em Uftritt heds mi donkt mis Sousi tönt chli komisch, wo mer fertig gseh send hani dosse i Sousi-Bächer ihgelängt ond s ganze Noteheft drus gno, das hed ou die komische Tön erklärt.

**Dein ultimativer Geheimtipp um die Fasnacht zu überleben?**

am morgge met em Gisi zäme es Äntebüsi nä



## WENN'S UMS WASSER GEHT

NEUFASSUNG + SANIERUNG ■ NEUBAU + UNTERHALT VON  
RESERVOIR + BRUNNSTUBE ■ BAGGERBETRIEB

**Steinmann Bau**  
Ufhusen GmbH



[www.steinmannbau.ch](http://www.steinmannbau.ch) | 041 989 02 05

e rüüdig schöni Fasnacht



atelier für  
farb und raumgestaltung



Herbert Bürli  
Dipl. Farbgestalter HF  
Bernstrasse 7  
6152 Hüswil

[farbundraumgestaltung.com](http://farbundraumgestaltung.com)

**WECHSLER GERHARD AG**

Luthern

STIHL Geräte



[www.wechslerluthern.ch](http://www.wechslerluthern.ch)

**MÄRTGASS  
KIOSK**

& Kafi



E rüüdigi Fasnacht 2026!

**silva**  
planung



**Schreinerei  
Meier AG**

6144 Zell

[schreinerei-meier.ch](http://schreinerei-meier.ch)

# Freiwillige Spende

Die Idee hinter der Fasnachtszeitung der Hüzeguuger besteht darin, Ihnen als Leser die Fasnachtszeit etwas näher zu bringen. Sei es mit den Sprüchen, welche einen zum Lachen bringen. Oder den Fotos, welche nicht immer im optimalen Moment aufgenommen wurden.

Zudem bietet die Zeitung eine Werbepattform für das Regionale Gewerbe. Finden

auch Sie die Fasnachtszeitung eine gute Sache und möchten diese gerne unterstützen?

Dann Scannen sie den folgenden QR-Code und spenden einen beliebigen Betrag.

Wir bedanken uns und wünschen Ihnen weiterhin viel Unterhaltung mit unserer Zeitung.

**Jetzt mit TWINT  
bezahlen!**



QR-Code mit der  
TWINT App scannen



Betrag und Zahlung  
bestätigen



metallbauplanung  
landmaschinenkleingeräte  
schlossereischmiede

[imbachfischbach.ch](http://imbachfischbach.ch)  
041 988 15 25



**wir schmieden träume,  
schweissen stahl –  
alles aus einer hand!**

**imbachfischbach**


Bei uns waschen Sie mit Sonnenenergie



**carwash zell ag**

Luzernstrasse 33a  
6144 Zell

täglich offen



**Figurentafeln Wicky**

Selbstgemachte Geburtstafeln

Perunweg 5, 6144 Zell LU  
041 988 28 73, info@figurentafeln.ch

[www.figurentafeln.ch](http://www.figurentafeln.ch)

**CHRISTEN**

[www.christen-bau-ag.ch](http://www.christen-bau-ag.ch)

Luthern & Hüswil / Zell 041 978 12 50



Bernstrasse. 13b  
6152 Hüswil

Keuzstiegenstr. 2  
6156 Luthern

**(HO)<sup>2</sup>**

TEXTILDRUCK  
BESCHRIFTUNGEN

[www.ho2.ch](http://www.ho2.ch) | Rohrbach




Lohnunternehmung Zell



Mähen und mulchen direkt möglich.  
Mehr Infos unter:

[frei-zell.ch](http://frei-zell.ch)



**aprilia**



**MOTO GUZZI**



**HUNKELER**  
**MOTOS**

Luzernstrasse 77  
4950 Huttwil  
[www.hunkeler-motos.ch](http://www.hunkeler-motos.ch)  
info@hunkeler-motos.ch  
062 929 44 22



# HOLZSPORT WETTKAMPF



**5-Liber-Party**  
**Freitag 29. Mai**  
(Freier Eintritt)



**Teamwettkampf für Vereine und Firmen**

# 29. + 30. MAI 2026

# LUTHERN

**MELDE DICH JETZT AN !!! [WWW.HOLZSPORTWETTKAMPF.CH](http://WWW.HOLZSPORTWETTKAMPF.CH)**

**WECHSLER GERHARD AG**  
Luthern Kleinmotorgeräte • Leitungsbau

Schwarzenbach 8 | 6156 Luthern | 041 978 13 48 | [www.wechslerluthern.ch](http://www.wechslerluthern.ch)

Der Festlieferant in Ihrer Nähe

**baumeler**  
GETRÄNKE  
Ruswil / Sursee  
Tel. 041 921 77 84  
[www.baumeler-getraenke.ch](http://www.baumeler-getraenke.ch)

**ELEKTRO GANDER AG**

24-STUNDEN-SERVICE

ENERGIEARTIST

info@elektro-gander.ch

041 978 0 978 • 062 962 0 962




Weil jedes Grün (s)eine Geschichte erzählt.



**arteverde**  
gartengestaltung

Arteverde Gartengestaltung GmbH · Stefan Köller · Bernstrasse 17 · 6152 Hüswil · 079 745 42 92 · garten@arteverde.ch · www.arteverde.ch

seit 1976



**Lustenberger AG**  
Metallbau / Schärfferei  
Landm. + Motorgeräte  
6145 Fischbach  
lustenbergermetallbau.ch

**Bell Geflügel Zell wünscht aune e rüüdig schöni Fasnacht!**





**LACKIERWERKSTATT**  
Hüswil AG

Lackieren-Pflegen-Restaurieren

041/988 25 91

www.lackierwerkstatt.ch



**SONNE ZELL**



**Dorfgarage Wagner AG**  
Carrosserie

**Dorfgarage Wagner AG**  
St. Urbanstr. 9 | CH-6144 Zell  
Tel. 041 988 11 50 | www.wagner-zell.ch

WIR PLANEN UND BAUEN FÜR ALLE



**Wir machen die Häuser dicht**

**LBG SURSEE**  
Architektur und Bau  
Grenzstrasse 3b  
6214 Schenkon  
www.lbg-sursee.ch



SCAN ME

## Wir suchen dich...

Möchtest du einmal im Jahr für sieben Tage abschalten und den absoluten Wahnsinn erleben? Neue Freunde kennen lernen, die Nächte zum Tage machen und einfach eine lustige Zeit geniessen? Na klingt das nicht super?

Bist du mindestens 16 Jahre jung an der Fasnacht 2027? Dann melde dich bei uns und erfahre an einem Infoapéro mehr über unseren Verein und die kommende Fasnacht. Im ersten Jahr wird den Neumitgliedern der Vereinsbeitrag geschenkt!

Fühlst du dich angesprochen? Dann melde dich doch bei unserer Präsidentin Julia Schwegler unter der Nummer 079 268 93 11 oder über das Formular für Neumitglieder auf unserer Homepage [www.huezeguuger.ch](http://www.huezeguuger.ch).

Wir würden uns freuen, wenn wir dich am

**25. März 2026 um 20:00 Uhr**

in unserem Schminklokal beim Restaurant Sonne begrüßen dürften.

*D'Hüze-Guuger*

✉ E-Mail: [info@huezeguuger.ch](mailto:info@huezeguuger.ch)

🌐 <https://www.huezeguuger.ch>

📘 [www.facebook.com/huezeguuger](http://www.facebook.com/huezeguuger)

📷 [www.instagram.com/huezeguuger](http://www.instagram.com/huezeguuger)





Scan me



für weitere Infos über  
Monsterkonzerte und Auftrittzeiten

**BÖÖG**  
**VERBRENNEN**  
PARKPLATZ MARTINSHALLE, ZELL

**17.02.26**  
MIT BARBETRIEB  
AB 18.00 UHR

[www.hnezegunger.ch](http://www.hnezegunger.ch)